



25.marts 2019

UPA2019/26

Uunga siunnersuut: Uumasunik illersuineq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx xx xxx 2019-imeersoq. (Naalakkersuisunut oqartussaasutut pisinnaatitaanermik nuussineq aamma uumasunik kinguaassiuutitigut atoqateqarnermut inerteqqussut)

(Inatsisartunut ilaasortaq Aleqa Hammond, Nunatta Qitornai)

Siunnersuut pineqartoq siorna upernaakkut inatsisartut ataatsimiinneranni suliarineqarpoq amerlanerussuteqartunit taparserneqarluni, qinersisoqarneratali peqqutigisaanik kivisimalluni maannalu qaqileqqinneqarpoq assiganik.

Siunnersuutip qiteraa Nunatsinni uumasuutitta tamarmik illersorneqarnissaannut inatsisip politiiniit Uumasut nakorsaqaarfimmut Inuussutissalerinermullu Oqartussaqaarfimmut nuussineq.

Tassani pineqarpoq angerlarsimaffimmi uumasuutit, qimmit qimuttut aammalu nunalerinermi uumasuutit. Uumasut illersorneqarnerat pillugu inatsimmi pingaarnertut siunertaavoq uumasut timikkut, pissutsimikkut peqqissutsimikkullu pisariaqartitaannut tunngatillugu uumasut pitsaasumik illersorneqarsinnaasumillu paarineqarnissaasa qularnaarnissaa.

Siunnersuummut tapersiivugut inuussutissarsiornermullu ataatsimiititaliamut innersuussivugut.